

ARREST

DV CONSEIL
PRIVE' DV ROY,

P O R T A N T R E I G L E
ment sur les Euocations &
differens des Parlements, En-
semble le plaidoyé.

*Prononcé le ving-sixiesme Mars
mil six cens ving. trois.*

THE NEWBERRY
LIBRARY

Case

F

39

326

1623 fnd



EXTRACT DES
Registres du Conseil Privé
du Roy.

SUR LA REQUE-
 STE PRESENTEE
 A V ROY EN SON
 CONSEIL, par Nico-
 las Duteil Escuyer, Sieur de Sa-
 moy, Visbailly d'Allçon, Char-
 les & François de Sarrcilly, Escu-
 yers Sieurs de Montgautier & de
 Culley, & Iean Piel Aduocat. A
 ce que pour les causes y conte-
 nuës, & en consequence des pro-
 cez ciuils & criminels qu'ils ont
 avec Messire Gilles Auzeray,
 Sieur de Couruandon, second
 President au Parlement de Nor-
 mandie, François Auzeray, Sieur

de la Fontenelle son frere, & leurs autres parens & alliez. Et contre Louys de Pelleué, Sieur de Flers, & Chastellain de Condé, sur Noireau. Il pleust à sa Majesté renvoyer en premiere instance tous les procez & differens des supplians, tant ciuils que criminels, meus & à mouuoir, en demandant ou en deffendant, par deuant le Bailly de Caen, ou son Lieutenant au Siege Presidial de Caen, Côme le plus prochain Iuge Royal, ou par deuant tel Iuge Royal qu'il plaira à sa Majesté, ordonner, & par appel en la Court de Parlement de Paris, avec deffences à tous autres Iuges d'en cognoistre, & aux parties des supplians de faire aucunes poursuites ailleurs, à peine de nullité cassation de procédures, despens, dommages & interests. V E V

ladite Requête, Arrest du Cōseil
du dernier Mars mil six cens dix-
huiet, portant Euocation des pro-
cez dudit Sarcilly, & ledit Fonte-
nelle dudit Parlement de Rouën
au Parlement de Dijon, Requête
presentee audit Parlement de
Dijon. par ledit Sieur President
de Couruandon, du quatorzief-
me Iuillet audit an mil six cens
dixhuiet, par laquelle il se rend
partie contre ledit Sarcilly, aux
fins de sa réparation & interests,
procez verbal de signification de
ladite requête, du quinzième
dudit mois, Arrest de contumace
donné audit Parlemēt de Rouën,
le vingt-troisième Iuin mil six
cens vingtvn contre ledit Duteil,
Arrest dudit Conseil du trentief-
me Iuillet audit an mil six cens
vingt-vn, portant sur-ceance de
l'execution dudit Arrest, autre

Arrest du Conseil du huictiesme
 Octobre, mil six cens vingt-vn,
 donné entre leldits de Sarcilly,
 Duteil & Piel, d'une part, & ledit
 Sieur de la Fontenelle & consors,
 portant entre autres choses ren-
 uoy des procez & differens des
 parties, pendans tant au Parle-
 ment de Rouën que autres lieux
 au Parlement de Paris, & cassati-
 on dudit Arrest de contumace,
 Arrest du Conseil du troisieme
 Decembre audit an, par lequel
 ledit de Samoy est renuoyé au
 Parlement de Paris, pour la re-
 stitution de ses biens, saisis par le-
 dit Sieurs de Flers, autre Arrest
 du Conseil du vingt-vniesme,
 Ianuier, mil six cens vingt-deux,
 portant renuoy au Parlement de
 Paris, entre ledit de Sarcilly &
 Iean Dauphin, & ledit Fontenel-
 le, autre Arrest du quatriesme Fe-

buireraudit an, portant renuoy
 audit Parlement de Paris, en con-
 sequence desdits Arrests, entre
 lesdits Duteil, de Sarcilly & lac-
 ques le Vauſſeur, decret d'adi-
 ournement personnel decerné
 par le Bailly du Palais de Paris ou
 son Lieutenant, le quinzième
 Juillet mil six cens vingt-deux, à
 l'encontre dudit Sieur President
 de Couruandó, à la requeste des-
 dits Duteil, Sarcilly & Piel, def-
 faut contre luy, ledix-septiesme
 d'Aoust, mil six cēs vingt-deux,
 autre exploit d'assignation audit
 Sieur de Couruandon, du tren-
 tiesme iour dudit mois, avec l'ap-
 pel interiecté par luy des proce-
 dures contre luy faictes par ledit
 Bailly du Palais, Arrest du Con-
 seil du vnziesme Octobre, mil six
 cens vingt-deux, portant renuoy
 audit Parlement de Paris, entre

lesdits Duteil & ledit Sieur de
 Flers, pour le faict du patronnage
 del'Eglise dudit Samoy, Arrest
 dudit Parlement de Paris du se-
 cond iour d'Octobre mil six cens
 vingt-deux, entre lesdits Sieur
 President de Couruandon & ledit
 Sieur Duteil, portant comdam-
 nation d'interests, & despens a-
 diugez audit Sieur de Couruan-
 don, contre ledit Duteil, Arrest
 des Requestes de l'Hostel du
 vingt-sixiesme Septembre, mil
 six cens vingt-deux, entre ledit
 Duteil, Leon Croisiere, & con-
 fors d'une part, & les nommez
 Grandorge, de Montbray, Pre-
 petit & autres, par lequel ledit de
 Montbray, Grandorge, & du Fay
 sont bannis, & lesdits Roger Pre-
 petit & du Fay Sergens, suspen-
 dus del'exercice de leurs charges,
 avec amandes interests & des-
 pens

pens, & decret contre ledit Sieur de Flers, le Bally dudit Condé, & autres Officiers dudit lieu, & que ledit Arrest sera leu & publié l'Audiance tenant, tant audit Condé qu'au siege de Vire. Autre Arrest du Conseil du quatriefme Nouembre mil six cens vingt-deux, portant renuoy des differens d'entre ledit Duteil & ledit Sieur de Flers, pendans tant audit Condé, Parlement de Rouën, que autres lieux audit Parlement de Paris, autres Arrest du Conseil, du vingt-neufuiesme Nouembre audit an mil six cés vingt-deux, portant renuoy audit Parlement de Paris, des procez pendans au Parlement de Dijon entre ledit de Sarcilly & ledit de la Fontenelle. O V Y le rapport du Commissaire à ce député, LE ROY EN SON CONSEIL,

ayant aucunement elgard à ladi-
 te Requête, A euocqué à foy &
 à fondit Conseil tous les procez
 & differens des supplians, tant
 ciuils que criminels, en deman-
 dāt ou deffendāt, meus & à mou-
 uoir dans le Ressort du Parlement
 de Normandie, & iceux avec
 leurs circonstances & despendan-
 ces, A renuoyé & renuoye par-
 deuant le Bailly de Caen, ou son
 Lieutenant au Siege Presidial
 dudit lieu, & par appel au Parle-
 ment de Paris, & ce pour le temps
 de deux ans, Faict sa Majesté in-
 hibitions & deffences à tous au-
 tres Iuges d'en cognoistre, & aux
 parties desdits supplians d'en fai-
 re poursuittes ailleurs, sur peine
 de nullité, cassation de procedu-
 res, despens, dommages, & in-
 terests. FAICT au Conseil Priué
 du Roy, tenu à Paris le dixiesme

Mars, mil six cens vingt-trois

Signé, PHILIPPEAUX.

Collationné,



DOVYS PAR LA
GRACE DE DIEU
ROY DE FRANCE
ET DE NAVARRE,
Au Bailly de Caen ou son Lieu-
tenant au Siege presidial dudit
lieu salut, par l'Arrest de nostre
Conseil, cy attaché, sous nostre
contrescel, ce iourd'huy donné
sur la requeste à nous présentée
par Nicollas Duteil, Charles &
François de Sarcilly, & Jean piel,
és noms qu'ils procedent. Nous
auons euocqué à nous & à nostre
Conseil tous les procez & diffé-
rens des supplians, tant ciuils que
criminels, en demandant ou def-
fendant, meus & à mouuoir d'as

le Ressort de nostre parlement de Normandie, & iceux, leurs circonstances & dependances, renuoyé & renuoye par deuant vous. A ces causes vous mandons rendre aux parties sur lesdits procez & differans bonne & briefue iustice, vous en attribuant à ceste fin toute iurisdiction & cognoissance en premiere instance, & par appel à nos amez & feaux Conseillers, les gens tenans nostre Cour de parlement de Paris, icelle interdisons & deffendōs à tous autres Iuges. Mandons au premier nostre Huissier ou Sergent sur ce requis, signifier nostre dit Arrest à tous qu'il appartiendra, à ce qu'ils n'en pretendent cause d'ignorance, & n'ayent à y contreuenir, Et outre faire pour l'entiere execution d'icelluy, à la requeste desdits supplians toutes

significations, assignations, commandemens, & autres actes & exploits requis & nécessaires, & mesmes commandement à tous Greffiers que besoin fera, d'apporter ou enuoyer incontinent & sàs delay, moyennant salaire raisonnable au Greffe dudit Baillage & Siege presidial de Caen, toutes & chacunes les pieces, procedures, ou autres choses concernant tous lesdits procez & differans, & en cas de reffus ou delay les assigner pardeuant vous pour en dire les causes, & si besoing est, se veoir cōdamner en tous les despens, & interests des parties, le tout sàs que nostre dict Huissier ou Sergeant soit tenu demander aucun congé ne pareatis, Car tel est nostre plaisir, non obstant clameur de Haro Chartre Normande, & lettres à ce contraires. Donnée

Paris, le dixiesme Mars, l'an de
 grace, mil six cens vingt-trois, &
 de nostre Regne le treziesme.

Signé,

PAR LE ROY EN SON CONSEIL,
 Philippeaux,



OVYS PAR LA GRACE
 DE DIEV ROY DE
 FAANCE ET DE NA-
 VARE, Au premier nostre Hui-
 tier ou Sergent sur ce requis sa-
 lut, Nos chers & biens aimez Ni-
 collas Duteil, Escuyer Sieur de
 Samoy, Visbailly d'Allençon,
 Charles & François de Sarcilly,
 Escuyers, Sieurs de Montgautier
 & de Culley, & Jean piel Aduo-
 cat, nous ont fait dire & remon-
 strer que par Arrest de nostre con-
 seil, du dixiesme des presens mois
 & an, Nous aurions euocqué tous
 les procez & differens desdits sup-
 pliés au Bailliage & Siege presidi-

al de Caen en premier instance,
 & par appel au Parlement de Paris pour l'espace de deux ans, Et d'autant que pendant ledit temps il leur est necessaire dudit Arrest en plusieurs & diuers lieux, ils seroient cōstituez en trop grands frais s'ils s'estoient abstraits auoir des originaux d'iceluy en chacun lieu, requerant sur ce leur estre pourueu. A CES CAUSES desirant subuenir aux supplians en cest endroit, Nous voulons & ordonnons qu'aux extraits & coppies dudit Arrest, commission sur icelle cy attachée, sous le contrescel des presentes collationnées à leurs originaux par vn de nos amez & feaux Conseillers & Secretaires de la maison de France foy soit adioustée. Et te mandons que sur lesdits extraicts & coppies ainsi collationnées, tu

face tous exploits de significati-
ons, commandemens, assigna-
tiōs, & tous autres actes pour l'e-
xecution dudit Arrest requis &
necessaires, De ce faire tedōnons
pouuoir; Mandons à tous nos Ju-
sticiers, Officiers & subiects, à toy
ce failant obeir, sans demander
placet, visa, ne pareatis, Car tel
est nostre plaisir, nonobstant
clameur de Haro Chartre Nor-
mandie, & autres lettres à ce con-
traires. Donné à Paris le vingt-fi-
xième iour de Mars, l'ande grace
mil six cens-trois, & de nostre Re-
gne le trezième. Signé

PAR LE ROY EN SON CONSEIL

Ramboüillet.

Et sellée,

Sous le contreseel de Cire jaulne.

De l'Imprimerie de Ioseph
Guerreau rue S. Iacques près
S. Yves à la petite Hotte.